

Pravilnik o čuvanju ličnih podataka

Svjesni činjenice da je privatnost važna svakom pojedincu pripremili smo Pravilnik o čuvanju ličnih podataka. Ovaj pravilnik opisuje:

- a. što su to lični podaci
- b. koju vrstu ličnih podataka smijemo tražiti od vas
- c. kako, kada i gdje smijemo uzeti te podatke
- d. kako ih smijemo koristiti
- e. smijemo li ih dijeliti s drugima
- f. korake koje ćemo preduzeti da bismo zaštitili vaše lične podatke i
- g. vaša prava koja se tiču našeg upravljanja vašim ličnim podacima.

Što je najvažnije, objasniti ćemo mogućnosti koje vam se nude u vezi našeg korišćenja vaših ličnih podataka.

IZRIČITO PRISTAJETE NA UZIMANJE, SMIJEŠTANJE, PRENOS I KORIŠĆENJE VAŠIH LIČNIH PODATAKA KAKO JE OPISANO U OVOM PRAVILNIKU: VAŠE MOGUĆNOSTI KORIŠĆENJEM NAŠIH INTERNET STRANICA, KORIŠĆENJE VAŠEG BACK OFFICE-a NA NAŠEM SITE-u U SAGLASNOSTI S NAŠIM USLOVIMA KORIŠĆENJA TAKVIH INTERNET STRANICA, PRAVILIMA I USLOVIMA REGISTRACIJE ZA KUPCE – ČLANOVE ILI PRAVILIMA I USLOVIMA REGISTRACIJE ČLANOVA – PRAVNIH OSOBA, I/ILI KUPOVINA KOD PARTNERA, PRAVILIMA ZA KORIŠĆENJE INTERNET STRANICA OD STRANE PARTNERA I WEB OFFICE-a PARTNERA.

Ako se, u bilo koje vrijeme, budete osjećali neugodno zbog našeg KORIŠĆENJA vaših ličnih podataka, možete nas kontaktirati i zamoliti da ih više ne koristimo na jedan ili više načina. Zahtijevat ćemo da nam pošaljete zahtjev u pisanoj formi, ali ćemo u svakom slučaju prestati koristiti vaše lične podatke kako bude navedeno u vašem zahtjevu. Vaše lične podatke ćemo koristiti na takav način koji nam omogućava efikasno upravljanje poslom i ispunjavanje ugovorne obveze prema vama. Stoga, ako zatražite da prestanemo koristiti vaše lične podatke na takav način, možda nećemo imati drugog izbora nego prekinuti našu poslovnu saradnju s vama, bez naše dalje odgovornosti prema vama, raskidom svih ugovora sa vama, a u skladu s uslovima istih. Nadamo se da do toga neće doći, stoga vas molimo da pažljivo pročitate Pravilnik o čuvanju ličnih podataka kako biste bili sigurni da ga razumijete. Obvezni smo zaštititi vašu privatnost i želimo da se pri poslovanju s nama osjećate sigurno.

Ukoliko imate bilo kakvih pitanja vezanih za ovaj Pravilnik o čuvanju ličnih podataka, molimo vas da nas kontaktirate putem e-maila, telefonom ili običnom poštom.

Naziv:	Shopping Center Network Montenegro
Skraćeno ime	SCnet Montenegro
Sjedište:	81000 Podgorica
Ulica i br.:	Kralja Nikole 291
Telefon:	020 621 688
Fax:	020 621 688
E-mail:	office@scnetmontenegro.com
Odgovorna osoba:	Dijana Jovanović

ŠTO SU TO LIČNI PODACI?

Lični podaci – Lični podaci su informacije koje nam jasno govore ko ste, npr. vaše ime. Lični podaci takođe uključuju informacije koje nam same za sebe omogućavaju lakše utvrđivanje, kao što su, vaša adresa i telefonski broj, e-mail adresa i jedinstveni matični broj građana. Oni, isto tako, uključuju informacije koje se mogu kombinovati sa sličnim informacijama kao što su pol i datum rođenja.

Osjetljivi lični podaci – Osjetljivi lični podaci su podaci koji se odnose na rasno ili etničko porijeklo, političke stavove ili pripadnost, religijska ili filozofska uvjerenja, članstva u sindikatima i podaci vezani za zdravlje ili seksualni život. Prikupljanje osjetljivih ličnih podataka zahtijeva poseban, izraziti pristanak. Osjetljive lične podatke ne prikupljamo.

Zbirne ili "anonimne" informacije –Lični podaci ne uključuju zbirne ili anonimne informacije iz kojih vas ne možemo prepoznati kao pojedinca. Zbirne ili anonimne informacije sadrže sve informacije o vama u kojima ste vi uključeni kao dio izjave o grupi pojedinaca, ili grafički prikaz ili kružni dijagram kojim se prikazuju vaši lični podaci samo kao dio grupe pojedinaca. Na primer, «prošlog mjeseca je 20% naših članova ostvarilo potrošnju od x eura kod Partnera» ili «4 od 5 pojedinaca u našoj organizaciji posjeduje lični računar". Zbirne ili anonimne informacije takodje uključuju URL Internet stranice koji se može odnositi na naše Internet stranice, vašu IP adresu (to je broj koji se automatski i metodom slučajnog odabira dodjeljuje vašem računaru svaki put kada pretražujete mrežu), vaš operativni sistem i vrstu pretraživača, ili pojmove koje ste tražili na Internet stranicama. Naravno, ukoliko posjetite naše Internet stranice, uzimamo samo vašu IP adresu. Vaša IP adresa je vidljiva većini Internet stranica koje posjetite.

VAŠI LIČNI PODACI

Lični podaci koji se traže prema ugovoru

Da bismo ispunili naše ugovorne obveze prema vama, od vas ćemo tražiti određene lične podatke. Pri potpisivanju Ugovora sa SCNet Montenegro d.o.o. i pri registraciji preko našeg site-a na internetu unosite vaše lične podatke koje ćemo koristiti na način koji je naveden u dijelu "Kako koristimo vaše lične podatke".

Lični podaci koji se prema ugovoru traže u Ugovoru ili pri registraciji na našoj stranici uključuju:

1. Ime i prezime / Naziv
2. JMBG, Matični broj pravne osobe
3. Adresu
4. Telefonski broj(eve)
5. Broj faksa
6. E-mail adresu/e
7. Datum rođenja
8. ID broj
9. Informacije o banci, broj tekućeg računa na koji će se vršiti isplate vaših ostvarenih provizija i/ili druge informacije o plaćanju
10. Vaš pristanak na uslove Ugovora
11. Podaci o prethodnim novčanim transakcijama ili bonusima (odnosi se na naše međusobno poslovanje)
12. Informacije o uspjehu u vašem poslovanju u okviru SCNet Montenegro d.o.o. (status, grupnu i ličnu kvalifikaciju prema Planu nagradjivanja)
13. Naziv firme, detalji o vlasništvu i upravljanju, broj članova – kupaca registrovanih s vaše strane ili korisnika vaših usluga
14. Podaci o radnom statusu

Dodatni lični podaci - uz vaš pristanak, s vremena na vrijeme izmedju ostalog možemo tražiti sljedeće lične podatke:

1. Pol
2. Prethodni kontakti i njihov sadržaj
3. Lozinka ili broj PIN-a vezano uz naše Internet stranice ili telefonske usluge
4. Omiljeni proizvodi i istorija KORIŠĆENJA
5. Kretanje po našim Internet stranicama
6. Navike i prethodne potrošnje
7. Prehrambene navike
8. Aktivnosti s nama ili našim Partnerima
9. Mišljenje o poslovanju, uslugama i proizvodima
10. Razlozi koji utiču na vaše odluke vezane za zajedničko poslovanje
11. Pristup Internetu, mogućnosti i navike
12. Upotreba Interneta
13. Omiljeni načini kontakta
14. Sklonosti određenim treninzima
15. Jezike koje govorite
16. Sklonost potrošnji
17. Prioriteti u poslovnoj saradnji i zahtjevi
18. Istorija predstavljanja ili znanje o sistemu SCNet Montenegro d.o.o.

19. Ocjena zadovoljstva
20. Prisutnost sastancima grupe vezanim za poslovanje sa Montenegro d.o.o.
21. Mjesto rođenja
22. Nacionalnost
23. Broj pasoša, vrijeme izdavanja pasoša, mjesto izdavanja pasoša i datum prestanka važenja pasoša
24. Posebne potrebe vezane za putovanja i smještaj

Nećemo svjesno prikupljati lične podatke od maloljetnika mlađih od 18 godina (osim starijih od 16 godina) ukoliko imamo pisanu saglasnost roditelja ili staratelja. Ukoliko otkrijemo da smo slučajno uzeli podatke maloljetnika, te podatke ćemo ukloniti iz naših baza podataka.

Fotografski i/ili audiovizuelni materijali – konačno, možemo prikupljati fotografske i/ili audiovizuelne materijale, koji prikazuju vašu sliku i/ili snimak vašeg glasa i/ili vaše izjave, sve u ulozi vas kao člana/kupca.

KAKO, KADA I GDJE PRIKUPLJAMO VAŠE LIČNE PODATKE

Kad nas kontaktirate putem telefona, e-maila, faxes ili posjetite naše Internet stranice, možete nam dobrovoljno dati svoje podatke koje bi koristili mi ili bi ih povjerali preporučenom instrukturu kako bi vas mogli kontaktirati i odgovoriti na vaše komentare i pitanja. U tom slučaju, mogli bismo zadržati zapis kontakta, uključujući vaše lične podatke, u bazi podataka koja sadrži zapise slične vašima.

Registracija - Kad se registrujete kao član/kupac uzimamo podatke kako je prikazano na Obrascu za on-line prijavljivanje i na Ugovoru. Ovi podaci između ostalog mogu uključivati ime i prezime, broj telefona, broj faxes, e-mail adresu/e, JMBG, datum rođenja i informacije o žiro računu radi isplate obračunatih provizija uz OIB. Kao rezultat registracije, automatski vam se dodjeljuje ID broj u okviru SCNet Montenegro d.o.o. a u nekim slučajevima i korisničko ime i lozinka i PIN (lozinka i pin su šifrirani). Nadalje, ovi podaci se smještaju i čuvaju se u našoj bazi podataka.

U slučaju prekida saradnje sačuvati ćemo vaše lične podatke. Te informacije mogu sadržati vaše mišljenje o nama i/ili o razlozima koji su uticali na odluku o prekidu saradnje, kao i informacije koje su neophodne da bi se prekinuo međusobni poslovni odnos.

Naručivanje - Kada naručujete proizvode ili usluge, mi uzimamo vaše lične podatke (kao što su ime i prezime, ID broj, informacije o isporuci, kontakt informacije i informacije o naplaćivanju, transakcije i informacije o kreditnoj kartici, tekućem računu / debitnoj kartici, i zadržati ćemo ove informacije kao dio zapisa o narudžbama.

Ankete i promotivne aktivnosti – S vremena na vrijeme, u anketama i upitnicima možete dobrovoljno dati lične podatke ili pak na naš zahtjev učestvovati u glasanju i ličnoj procjeni. Svrha zahtjeva je bolje razumijevanje vaših potreba kao i usavršavanje međusobnih odnosa i načina saradnje, kako bismo te potrebe bolje zadovoljili.

Korišćenje Internet stranica – Pri korišćenju naših Internet stranica, mogli bismo od vas zatražiti da upišete svoje lične podatke, koje mi kasnije čuvamo u bazi podataka. Uz to, mogli bismo uzeti vaše lične podatke vezane uz vaš pristanak na naše uslove, korišćenje Internet stranica i transakcije putem Interneta.

Kontakt s nama – Kada nas kontaktirate putem telefona, e-maila, faxes ili na neki drugi način, sadržaj i rezultat ovog kontakta mogli bismo zadržati u evidenciji.

Skupovi i posebna događanja SCNet Montenegro d.o.o.

Možete dobrovoljno prisustvovati svim skupovima ili posebnim događajima koje organizuje SCNet Montenegro d.o.o. za koje ćete ili na kojima ćete, možda dati lične podatke, fotografije i/ili audiovizuelne materijale, koji prikazuju vašu sliku i/ili snimak glasa i/ili izjavu.

Cookies - Kada nas kontaktirate putem naših Internet stranica, možemo koristiti cookies.

Cookies su datoteke s podacima koji se smještaju na vaš računar. One mogu sadržati informacije koje administratoru službenih SCNet Internet stranica omogućavaju prepoznavanje korisnika svaki put kada posjeti Internet stranicu, kako bi vidio kako oni koriste službene Internet stranice i evidentirao koliko često se vraćaju. Cookies koje mi koristimo, provjeravaju i evidentiraju jeste li pristali na uslove KORIŠĆENJA (uključujući Pravilnik o čuvanju ličnih podataka).

Kada pristupite službenoj Internet stranici SCNet sistema, server upisuje mali tekstualni dokument na vaš tvrdi disk - to je cookie. Ovaj dokument je jedinstven, a može ga pročitati server ili vaš Internet pretraživač. Taj

jedinstveni cookie nama otkriva da je vaš računar bio korišćen za ponovni pristup službenoj Internet stranici SCNet sistema. Isto tako bismo mogli koristiti cookies da (i) potvrdimo i evidentiramo vaš pristanak na druge uslove; (ii) potvrdimo i evidentiramo vaš pristanak za korišćenje drugih informacija, uključujući lične podatke koje nam u skladu s našim Pravilnikom o čuvanju ličnih podataka s vremena na vrijeme možete dobrovoljno dati putem službenih Internet stranica SCNet sistema ili (iii) pratimo i bilježimo vaše kretanje na službenim Internet stranicama SCNet sistema. Cookies se ne mogu izvršiti kao kod ili prenijeti virus.

Drugi serveri ih ne mogu čitati i s njih se ne mogu uzeti lični podaci. Oni su jednostavno identifikacijski podaci koji su poznati samo vama i nama; ne dijelimo ih s osobama izvan SCNet sistema kao ni sa trećim osobama.

Ukoliko ne želite primati cookies sa službenih Internet stranica SCNet sistema ili drugih Internet stranica, vaš pretraživač treba onemogućiti primanje cookies. Medjutim, trebate da znate da ako onemogućite primanje cookies-a ili na bilo koji način promijenite postavke cookies-a, nećete biti u mogućnosti da pristupite određenim informacijama, materijalima i/ili uslugama dostupnim na službenim Internet stranicama SCNet sistema.

Lične podatke koje prikupljamo mogu biti dostupni:

- a. saradnicima/preporučiocima SCNet sistema
- b. Ugovornim firmama – Partnerima
- c. zaposlenima u sistemu SCNet
- d. administratorima baze podataka,
- e. korisničkom servisu,
- f. bankama,

ali uvijek u skladu s Pravilnikom o čuvanju ličnih podataka.

KAKO KORISTIMO VAŠE LIČNE PODATKE

Lični podaci koji se traže prema Ugovoru, i koje mi prikupljamo (što je opisano u poglavlju "Vaši lični podaci - Lični podaci koji se traže prema ugovoru"), koristiće se u izvršenju tog ugovora kao što slijedi i kao što je primijenjivo:

1. Obrada vaše prijave u SCNet sistem;
2. Interno čuvanje podataka;
3. Obrada vaših naloga;
4. Obrada vaših uplata ili isplata;
5. Praćenje i izvještavanje vaše linije sponzorisanja;
6. Pružanje informacija o obimu potrošnje, zaradjenim bonusima, raznim nagradama i drugim informacijama vezanim za poslovne aktivnosti, vašim sponzorima;
7. Davanje na uvid imena, adrese, telefonskog broja i/ili e-mail adrese instruktorskoj liniji i vašim direktnim saradnicima;
8. Komunikaciji s vama po pitanju registracije, narudžbama ili plaćanju, za druge informacije ili radi odgovora na vaše komentare ili pitanja;
9. Sprečavanje i otkrivanje prevare i drugih kriminalnih aktivnosti;
10. Naplata dugova nastalih korišćenjem nekih pogodnosti u okviru SCNet sistema;
11. Potvrda za pristup našim informacijama, materijalima, proizvodima i/ili uslugama;

Nadalje, uz vaš pristanak, možemo koristiti te iste, u ugovoru tražene lične podatke kao i druge elemente ličnih podataka opisanih u gore navedenom poglavlju naslovljenom "Vaši lični podaci – Dodatni lični podaci" za sljedeće svrhe:

1. Prikupljanje statističkih podataka;
2. Pisanje demografske analize ili sastavljanje drugog istraživačkog izvještaja;
3. Potvrda ili ispravljanje vaših ličnih podataka;
4. Ocjenjivanje vaše uspješnosti;
5. Praćenje korišćenja naših informacija, materijala, proizvoda i/ili usluga, uključujući (bez ograničenja) praćenje opšteg nivoa aktivnosti na našim službenim Internet stranicama;
6. Procjena vašeg zadovoljstva trenutnim informacijama, komunikacijama, materijalima, proizvodima i/ili uslugama;
7. Poboljšanje kvaliteta i primjenljivosti naših usluga, informacija, komunikacija i/ili materijala i/ili njihove izmjene kako bi ih bolje prilagodili vašim potrebama;

8. Poboljšanje kvaliteta, vrste i načina našeg međusobnog kontakta tako da informacije, komunikacije, materijali, ponude proizvoda ili usluga prilagodimo vama ili grupi pojedinaca sa istim karakteristikama kao vi i/ili na temelju vaših određenih potreba;
9. Utvrđivanje problema na našim kompjuterskim serverima;
10. Konačno, upotrijebit ćemo, reprodukovati, promijeniti, objaviti i/ili dopustiti objavu fotografije i/ili audiovizuelnog materijala koji prikazuje vaš lik i/ili snimak vašeg glasa i/ili vaše izjave osim u slučaju vaše izričite zabrane u pisanoj formi (prethodno dostavljene).

RASPOLAGANJE VAŠIM LIČNIM PODACIMA

SCNet ne daje, ne prodaje, ne iznajmljuje, niti trguje vašim ličnim podacima.

Treća osoba – Kada je nužno ili primjereno da nam dopustite nesmetano obavljanje našeg posla, ili da izvršimo naše obveze prema vama, mogli bismo neke od vaših ličnih podataka ili sve njih povjeriti trećim licima sa kojima smo sklopili ugovor za obradu takvih ličnih podataka uključujući sponzore u vašoj gornjoj ili u donjoj liniji (vaše direktne saradnike). Sa svim trećim osobama kojima bismo mogli dati vaše lične podatke, sklopiti ćemo ugovor prema kome će se oni obvezati da će se prema vašim ličnim podacima odnositi kao prema povjerljivim podacima i u skladu s Pravilnikom o čuvanju ličnih podataka o privatnosti i zakonom.

Naši ugovori s trećim osobama će zahtijevati da treće osobe koriste vaše lične podatke isključivo za svrhe spomenute u ugovoru koje po svom obimu nikada neće biti veće od onih za koje mi koristimo vaše lične podatke kao što je gore opisano. Trećim osobama neće biti dopušteno prenositi vaše lične podatke drugim, trećim osobama osim ako je to potrebno kako bi izvršili svoje obveze na koje su se obvezali u našem ugovoru.

Publikacije – Konačno, upotrijebit ćemo, reprodukovati, promijeniti, objaviti i/ili dopustiti objavljivanje fotografije i/ili audiovizuelnog materijala koji prikazuje vaš lik i/ili snimak vašeg glasa i/ili vaše izjave osim u slučaju vaše izričite zabrane u pisanoj formi (prethodno dostavljene).

Ostalo – Mogli bismo otkriti neke ili sve vaše informacije trećim osobama sa kojima nismo potpisali ugovor ukoliko to zahtijeva zakon.

Takodje, zadržavamo pravo da možemo obavijestiti organe vlasti o bilo kakvim aktivnostima za koje u dobroj mjeri smatramo da su protivzakonite. Na kraju, mogli bismo objaviti lične podatke kada s razlogom smatramo da je to potrebno za zaštitu prava, imovine i sigurnosti drugih ili nas samih.

Naravno, nismo odgovorni za privatno djelovanje bilo kojih trećih osoba koji bi mogli sami omogućiti pristup ili se povezati s našim informacijama, materijalima, proizvodima i/ili uslugama.

KAKO ODRŽAVAMO SIGURNOST VAŠIH LIČNIH PODATKA

Gdje čuvamo vaše lične podatke – Vaše lične podatke čuvamo u bazama podataka koje održavamo mi ili od nas ovlašćene osobe.

S vremena na vrijeme, mogli bismo kombinovati vaše lične podatke s drugim podacima koje čuvamo mi ili naše podružnice u drugim zemljama u svrhu obračuna bonusa, zarada, vaučera i međunarodne karijere. Te podružnice u svojim bazama podataka mogu čuvati vaše lične podatke u ovom kombinovanom obliku, prema Pravilniku o čuvanju ličnih podataka i pozitivnoj zakonskoj regulativi.

Sigurnost elektronske baze podataka – Elektronske baze podataka će se čuvati na sigurnim samostalnim serverima koji su smješteni u kontrolisanim i sigurnim područjima. S vremena na vrijeme radit će se sigurnosne verzije (back up verzije) ličnih podataka koje prenosimo i čuvamo elektronskim putem. Te sigurnosne verzije bit će smještene na drugom kontrolisanom i sigurnom području nedostupno neovlašćenim osobama. Lični podaci koje čuvamo elektronskim putem bit će dostupni zaposlenim korisnicima ili korisnicima ovlašćenim od strane SCNet sistema i trećim osobama koja posjeduju login informacije, a u slučaju da to zahtijeva primjenjivi zakon, takve osobe bit će podvrgnute određenim tehničkim i organizacijskim sigurnosnim mjerama.

Sigurnost ličnih podataka u štampanom obliku

- Kopije ličnih podataka u štampanom obliku će se čuvati na sigurnom mjestu ili u SCNet kartoteci.

Takva lokacija ili sam ormar za kartoteku moraju biti zaključani kada nisu u upotrebi. Pristup toj lokaciji i/ili ormaru za kartoteku u kojem se drže takvi lični podaci, bit će ograničen na pojedince čije zaposljenje u SCNet sistemu to zahtijeva, odnosno na one kojima je to u opisu posla.

Vaša odgovornost za ID broj, korisničko ime i lozinku – Na vama je da čuvate svoj ID broj SCNet sistema, korisničko ime i lozinku koju koristite za pristup našim Internet stranicama, ukoliko se njima koristite, ili našim drugim uslugama. Ukoliko sumnjate da je neko drugi došao do vašeg korisničkog imena i lozinke potrebno je da nas obavijestite bez odlaganja. Zbog toga što su vaš ID broj, korisničko ime i lozinka određeni posebno za vas, prihvatate svu odgovornost za bilo kakvo korišćenje Internet stranica ili naših drugih usluga pri čemu koristite svoj ID broj, korisničko ime i lozinku.

VAŠA PRAVA

Uz vaša ostala prava koja su opisana u ovom Pravilniku o čuvanju ličnih podataka, pripadaju vam sljedeća prava koja se odnose na vaše lične podatke:

Pristup i ispravka vaših ličnih podataka – Mi kontrolišemo podatke i odgovorni smo za obradu vaših ličnih podataka. Vaša prava prema primijenjivom zakonu mogu uključivati pristup ličnim podacima pod našom kontrolom, kao i pravo da ispravite ili izbrišete lične podatke. Kako biste ostvarili to pravo, morate nama direktno podnijeti zahtjev za izmijenu vaših ličnih podataka. Isto tako, mi bismo vam mogli poslati upitnike ili obavještenja s određenim ličnim podacima koje dobijate na uvid i po potrebi ispravljate. Na kraju, za sva dokumenta koje vam šaljemo pri normalnom odvijanju poslovanja, a koji sadrže vaše lične podatke, bit će potrebno da provjerite tačnost tih ličnih podataka. Ukoliko je bilo koji od ličnih podataka neispravan, potrebno je ispuniti obrazac za promjenu ličnih podataka koji možete naći u kancelarii SCNet-a, na site-u u dijelu DOKUMENTI ili u vašoj Internet kancelariji u dijelu GENERALIJE. Zahtjev možete poslati preko pošte, faksa ili e-maila na adresu SCNet-a.

Brisanje vaših ličnih podataka pri prekidu saradnje – Imate pravo na brisanje svojih ličnih podataka iz naše baze podataka nakon isteka razdoblja u kojem su poslužili svojoj svrsi. Kao opšte pravilo, osigurat ćemo da se vaši lični podaci, koji se odnose na članstvo u SCNet sistemu koja je bila poništena, budu izbrisani iz naših sistema u roku od tri godine od prekida Ugovora, osim ako postoji u to vrijeme važeći poslovni razlog za zadržavanje tih podataka na duži vremenski period.

Informacije o vašim ličnim podacima koje smo dobili od nekog drugog – ukoliko vaše lične podatke nismo dobili direktno od vas, o tome ćete biti obaviješteni prije obrade tih ličnih podataka i za takvu obradu će se tražiti vaš pristanak.

Pristanak na direktni marketing – Potpisivanjem Ugovora izričito pristajete na direktni marketing s naše strane. Direktni marketing uključuje direktnu komunikaciju (uključujući neograničenu komunikaciju direktnom poštom, e-mailom, telefonom, i SMSom) koja je oblikovana tako da privuče kupce, i da ih navede da traže još informacija o sistemu, ili da se od primaoca prikupe određeni podaci. Direktni marketing između ostalog uključuje posebne informacije o novim Partnerima sa kojima je sklopljen Ugovor, prekidu partnerstva sa određenim pravnim osobama i razloge prekida, sniženjima i posebnim akcijama kod Partnera našeg sistema, nudi informacije o mogućnostima da dobijete besplatno putovanja i nagrade, kao i ankete.

Ne uključuje komunikaciju s ciljem informisanja kupaca o sponzorisanoj. Ukoliko ne želite da saradujete u direktnom marketingu možete nas pismeno kontaktirati i zahtijevati da se vaši podaci izbrišu iz baze podataka direktnog marketinga ili, to možete učiniti sami na vašoj Internet stranici u okviru SCNet sistema.

IZMJENA PRAVILNIKA O ČUVANJU LIČNIH PODATAKA

Ovaj Pravilnik o čuvanju ličnih podataka bismo povremeno mogli dopunjavati kako bismo uključili izmjene u zakonima i propisima ili promjene pri poslovanju. Bit ćete informisani o izmjenama u Pravilniku objavljivanjem tih izmjena u našem časopisu ili drugoj literaturi ili na našoj Internet stranici u dijelu DOKUMENTI ili na bilo koji drugi način koji je dozvoljen primjenjivim zakonom, koji imate obvezu pažljivo pročitati radi uvida u takve promijene. Podstičemo vas da često provjeravate Pravilnik o čuvanju ličnih podataka.

Pravilnik o čuvanju ličnih podataka je zadnji put ažuriran 1.jula, 2010. godine.